

LOCUTIONES DE DEUTERONOMIO. LIB. V.

LIBER V.

LOCUTIONES DE DEUTERONOMIO.

I. « Usque ad flumen magnum, flumen Euphrat¹ : » non dixit : « Usque ad flumen magnum Euphrat. »

II. « Et judicium quod durum fuerit a vobis , afferetis illud a me² : » non dixit : « Quod durum fuerit vobis, sed, « a vobis, » id est, ita durum , ut a vobis judicari non possit.

III. « Si videbit aliquis virorum istorum terram optimam hanc, quam juravi patribus eorum, præter Chaleb filius Jephone, hic videbit eam³ : » et in libro Numerorum istam locutionem notavimus, quia non dixit : « Præter Chaleb filium Jephone, » sed « filius⁴. »

IV. « Dominus enim Deus vester benedixit te in omni opere manuum tuarum⁵ ; » non ait : « Benedixit vos in omni opere manuum vestrarum, » cum prædixisset « vester, » non tuus.

V. « Nunc ergo surgite, et promovete, et pertransite vos vallem Arnon; ecce tradidi in manus tuas Seon regem Esebon⁶ : » non dixit : « In manus vestras, » sed a plurali ad singularem transiit.

VI. « Quoniam quæ est gens magna , cui est ei Deus appropians illis⁷ : » duo sunt hic notanda, vel quod ait, « Cui est ei, » vel quod non ait : « Appropians illi, sed Appropians illis. »

¹ Deut. 1, 7. — ² Ibid. 17. — ³ Ibid. 35. — ⁴ Locut. xcix. — ⁵ Deut. 1, 7. — ⁶ Ibid. 24. — ⁷ Id. iv, 7.

VII. « Et similitudinem non vidistis, sed vocem¹ : » cum vox non possit videri, sed generaliter hoc verbum posuit, tanquam ad omnem corporis sensum videre pertineat.

VIII. « In quam vos ingredimini illo, hæreditare eam² : » plenum esset etiamsi non additum esset, « illo. »

IX. « Et eduxit vos de fornace ferrea ex Ægypto³ : » fornacem ferream, duram tribulationem intelligi voluit : secundum hoc et de Joseph dictum est in Psalmis : « Ferrum pertransiit animam ejus⁴. »

X. « Et non transeo Jordanem hunc⁵ : » quasi et alius sit Jordanis : ex hanc locutione arbitror sæpe dici etiam hunc mundum , quasi alius sit.

XI. « Si autem genueris filios et filios filiorum tuorum⁶ : » notanda locutio est, ubi et avos nepotes dicit gignere.

XII. « Et quæreris ibi Dominum Deum vestrum ; et invenietis eum , quando exquiretis eum ex toto corde tuo, et ex tota anima tua in tribulatione tua⁷ ; » non dixit : « In toto corde vestro, et in tota anima vestra, in tribulatione vestra. »

XIII. « Interrogate dies priores, qui fuerunt priores te⁸ : » non dies, sed homines intelligendum est. Similiter et hoc notandum quod etiam superius cum dixerit, « Interrogate » pluraliter, « priores te » intulit singulariter, non priores vobis.

XIV. « Si et tentavit Deus ingressus accipere sibi gentem de media gente⁹ : tentavit, » pro eo quod est, « voluit, » positum est, aut quid aliud : quod autem ait, « de media gente, » de mediis gentibus intelligendum est, singulari posito pro plurali : sicut serpentem , ranam, et

¹ Deut. 1, 12. — ² Ibid. 5 et 14. — ³ Ibid. 20. — ⁴ Psal. cxv, 18. — ⁵ Deut. iv, 22. — ⁶ Ibid. 25. — ⁷ Ibid. 29. — ⁸ Ibid. 32. — ⁹ Ibid. 34.

locustam, pro serpentibus, ranis, et locustis, scriptum legimus.

XV. « Secundum omnia quæ fecit Dominus Deus vester » in Ægypto coram te vidente¹ : » nihil minus est, etsi non addatur, « vidente. »

XVI. « Et ego stabam inter Dominum et vos in tempore illo, annuntiare vobis verba Domini; quoniam timuistis facie ignis, et non ascendistis in montem, dicens: » Ego sum Dominus Deus², etc. dicens » posuit pro, cum diceret.

XVII. « Et advena qui incolit in te³: » populo dictum accipiendum est, non quasi uni homini, quia in populo incolit advena.

XVIII. « Propter hoc constituit tibi Dominus Deus tuus, » ut observes diem sabbati, et sanctificare eum⁴ : » si, « et » non haberet, non videretur inuisitata locutio, « ut » observes diem sabbati sanctificare eum; » aut certe si ita esset, ut observes diem sabbati et sanctificares eum; aut ita: Propter hoc constituit tibi Dominus Deus tuus observare diem sabbati sanctificare eum: nunc vero, « ut observes diem sabbati et sanctificare eum, » inuisitata et notanda locutio est.

XIX. « Attende tibi, ne dilatetur cor tuum, et obliviscaris Domini Dei tui⁵: » notandum etiam in malo dici posse dilatationem cordis; exultatio quippe in dilatatione intelligitur, cui contrariae sunt angustiae, id est, tristitia: utrumque autem potest et in bono et in malo accipi.

XX. « Et erit cum interrogaverit te filius tuus cras dicens⁶: » cras posuit, pro futuro quocumque tempore.

XXI. « Septem gentes magnas et multas⁷: » quomodo

¹ Deut. iv, 34. — ² Id. v, 5. — ³ Ibid. 14. — ⁴ Ibid. 15. — ⁵ Id. vi, 13. — ⁶ Ibid. 20. — ⁷ Id. vii, 1.

ergo multas, si septem? sed multas dixit multitudinem habentes.

XXII. « Non dispones ad eos testamentum¹: » cum gentibus diceret: testamentum ergo pro pacto posuit.

XXIII. « Et filiam ejus non sumes filio tuo; discedere enim faciet filium tuum a me, et serviet diis aliis, et irascetur indignatione Dominus in vos²: » non ait: « Irascer, » sed tanquam de alio diceret.

XXIV. « Civitates magnas et muratas usque in coelum³; » hyperbolicōs dictum.

XXV. « Ne dicas in corde tuo, cum consumperit Deus minus Deus tuus gentes istas ante faciem tuam, dicens: » Propter justitas meas induxit me Dominus hæreditare terram bonam istam⁴: » ordo est, « Ne dicas in corde tuo, dicens. »

XXVI. « Ne quando dicant inhabitantes terram, unde eduxisti nos inde⁵: » more Scripturæ additum est, « inde. »

XXVII. « Quæ fecit virtutem Ægyptiorum⁶: » hoc interpres quidam latini minus intelligentes noluerunt dicere « virtutem, » sed « virtuti vel exercitu: » quoniam id quod ait græcus δύναμις, nonnulli exercitum intellexerunt. Sed elegans locutio est, « Quæ fecit virtutem eorum; » intelligendum est quid eam fecit: quoniam ad nihil eam redegit: sed quia pluraliter dictum est, ideo subholsecurum est.

XXVIII. « Quos aperiens terra os suum deglutivit eos, » et domos eorum, et tabernacula eorum⁷: » duæ locutiones hic notandæ sunt, quod et additum est, « eos, » cum sufficere posset quod ait superius, « quos: » et « domos » eorum » cum dixisset, addidit « et tabernacula eorum, »

¹ Deut. vii, 2. — ² Ibid. 3, 4. — ³ Id. ix, 1. — ⁴ Ibid. 4. — ⁵ Ibid. 23.

⁶ Id. xi, 3. — ⁷ Ibid. 6.

quasi alias in eremo haberent domos nisi tabernacula. Sed nimis domus intelligi voluit homines ad eos pertinentes, sicut ipsi populo dicitur : « Et nunc tu domus Jacob¹. » Nec ista locutio aliena est a latina lingua ; nam et Romani dicti sunt domus Assaraci, quod ex Assaraco Trojano originem ducerunt².

XXIX. « Qoniam oculi vestri viderunt omnia opera Domini magna, quae fecit in vobis hodie³ : » cum de his operibus diceret, quae per erenum facta sunt eo tempore, quo ibi circumducebantur per quadraginta annos; tamen « hodie » dixit, quod intelligi voluit hoc tempore, quotquot ibi annos idem tempus habere potuisse.

XXX. « Terram quam juravit Dominus patribus vestris dare eis, seminique eorum post eos⁴ : » tanquam diceret : « Id est, semini eorum post eos; » non enim et ipsis dedit, sed ita ipsis dedit, cum semini eorum dedit.

XXXI. « Si autem auditu audieritis omnia mandata ejus, quae ego mando tibi hodie⁵ : auditu » videtur superfluum, sed locutio est Scripturæ sanctæ familiarissima.

XXXII. « Et dabit pluviam terræ tuæ in tempore suo matutinum et serotinum⁶. » Cum matutinum tempus dies dicatur, numquid hinc intelligi voluit tempus anni primum? Serotinum vero minus latinum est, sed non potuit magis proprie de græco exprimi, quod illi dicunt εψημον: tamen etiam in latina lingua vulgo usitatum est, ut dicatur serotinum, sed quod tardius quam oporteat factum est; hic vero tempus anni potius intelligi voluit.

XXXIII. « Et cum comederas, et satiatus fueris, attende tibi ipsi ne dilatetur cor tuum, et prævaricemini et seriatim diis aliis⁷. » Jam superius tales locutiones notavimus,

¹ Isaï. ii, 5. — ² Virgil. Aeneid. i. — ³ Deut. xi, 7. — ⁴ Ibid. 9. — ⁵ Ibid. 13. — ⁶ Ibid. 14. — ⁷ Ibid. 15, 16.

sive quod a singulari ad pluralem transit, sive quod in malo voluit intelligi « dilatetur, » ubi noxiā prosperitatem significavit.

XXXIV. « Et flumen magnum flumen Euphrat¹. » Repetitiones istae usitatæ sunt in Scripturis, et rem decenter commandant.

XXXV. « Timorem vestrum et tremorem vestrum imponet Dominus Deus vester super faciem universæ terræ² : » non timorem et tremorem quo ipsi timent et tremunt, sed quo timentur et alios tremere faciunt.

XXXVI. « Non poteris manducare in civitatibus tuis decimationem frumenti tui³ : » pro eo quod est, non debebis.

XXXVII. « Et incendes civitatem in igni⁴ : » nos usitatus diceremus « igni ».

XXXVIII. « Si autem longe fuerit via a te⁵ : » ac si diceret : « Longa via fuerit; » adverbium posuit pro nomine.

XXXIX. « Et foenerabis gentes multas⁶. » Foenerationem Scriptura dicit mutuo datam pecuniam, etiamsi usuræ non accipientur : unde est et illud in Psalmo : « Beatus qui miseretur, et commodat⁷. » Hoc enim maluerunt interpretari nostri, qui sententiam potius quam verba sequenda putaverunt : nam in græco habet δωρεὰς, quod est, foeneratur.

XL. « Et principaberis gentium multarum, tui autem non principabuntur⁸: tanquam diceret : « Tibi non dominabuntur, hoc est, gentes; » genitivus enim casus est singularis hujus pronominis quod ait « tui, » cuius dative est tibi; non pluralis nominativus, cuius genitivus est tuorum.

¹ Deut. xi, 24. — ² Ibid. 25. — ³ Id. xii, 17. — ⁴ Id. xm, 16. — ⁵ Id. xiv, 24. — ⁶ Id. xv, 6. — ⁷ Psal. cxi, 5. — ⁸ Deut. xv, 6.

XLI. « Si autem fuerit in te egenus in fratribus tuis¹: » non uni homini, sed populo dicitur, ideo « in te. »

XLII. « Si autem fuerit in te egenus in fratribus tuis in una civitatum tuarum, in terra quam Dominus Deus tuus dat tibi, non avertes cor tuum, neque constringes manum tuam a fratre tuo egente: aperiens aperies manus tuas ei, fœnus fœnerabis ei quantumcumque postulat, et quantum eget². » Hic certe cum opera misericordiae præcipiat, non utique usurarum crudelitas suscipienda est: unde apparet quod ait, « Fœnus fœnerabis ei, » mutuo dandum quod postularet intelligi voluisse. Quod autem ait, « Aperiens manus tuas, » tale est et quod sequitur, « fœnus fœnerabis, » usitata locutio est in Scripturis sanctis.

XLIII. Cum de aure pertundenda servi præcepisset, « Et ancillam, inquit, tuam facies similiter³: » accusativum pro dativo ponens, non ait: « Ancillæ tuæ facies, » quod locutionis nostræ consuetudo poscebat.

XLIV. « Si autem fuerit in eo vitium, claudum aut cæcum, vel omne vitium malum⁴: » non ait, claudatio, aut cæcitas, ipsa enim sunt vitia; sed « claudum, et cæcum, » quod sunt non vitia, sed animalia quæ habent vitia. Hoc quoque notandum est, quod ait, « vitium malum, » quasi posset esse vitium bonum.

XLV. « Et non dormiet de carnibus, de quibus immo- laveritis vespere die primo usque in mane⁵: » pro eo quod est, « non remanebit ea nocte, non dormiet » dictum est.

XLVI. « Non offeres Domino Deo tuo vitulum vel ovem, » in quo est in ipso vitium⁶: » usitata locutio esset, « in quo est vitium: » sed ista Scripturis est usitatior.

¹ Deut. xv, 7. — ² Ibid. 8, 9. — ³ Ibid. 17. — ⁴ Ibid. 21. — ⁵ Id. xvi, 4. — ⁶ Id. xvii, 1.

XLVII. « Et lapidabis eos in lapidibus, et morientur¹: » quod ex nostra consuetudine diceretur, lapidibus, non in lapidibus. »

XLVIII. « Non multiplicabit sibi equum²: » pro equis vel pro equitatu, « equum » posuit; unde nonnulli « equitatum » interpretati sunt.

XLIX. « Non poteris constituere super te hominem alienum, quia non est frater tuus³: Non poteris » dictum est, pro « non debebis. »

L. « Secundum omnia quæ petiisti a Domino Deo tuo in Choreb, in die convocationis, dicentes⁴: » cum dixerit superius « petiisti, dicentes » subjicit, non, dicens.

LI. « Quoniam Dominus Deus vester, qui præcedit vobiscum⁵: » non dixit « vos. »

LII. « Si occurreris nido avis ante faciem tuam in via⁶. » Notandum quod « occurreris » dixit etiam non ambulanti.

LIII. « Si autem ædificaveris domum novam, facies coronam solario tuo, et non facies homicidium in domo tua, si cadat qui cecidit ab eo⁷: » id est, a solario cadat qui cecidit; nimis inusitata locutio est.

LIV. « Et abiens fuerit viro alteri, et oderit eam vir novissimus⁸. » Notandum ex duobus posteriorem novissimum dici: talis locutio est et in Evangelio, quando quæritur ex duobus fratribus quis eorum fecerit voluntatem patris, et respondetur, « novissimus⁹, » cum duo fuerint.

LV. « Non pignerabis molam, neque superiorem lapidem molæ, quia animam iste pignerat¹⁰: » pro eo quod est,

¹ Deut. xvii, 5. — ² Ibid. 16. — ³ Ibid. 15. — ⁴ Id. xviii, 16. — ⁵ Id. xx, 4. — ⁶ Id. xxii, 6. — ⁷ Ibid. 7. — ⁸ Id. xxiv, 2 et 3. — ⁹ Matth. xxi, 31. — ¹⁰ Deut. xxiv, 6.

« Quia animam pigneras , si feceris . » Deinde notandum animam dixisse , pro ea vita quam habet anima in corpore : ex qua locutione et aliud est in Evangelio : « Nonne anima plus est quam esca¹ ? »

LVI. « Si autem deprehendatur homo furans animam ex fratribus suis filiis Israël² : » animam pro homine posuit . Denique sequitur , » Et opprimens eum vendidet ; » quæ non minus notanda est locutio : noluit enim dicere eam , quod esset magis consequens , quoniam animam dixerat , sed « eum , » id est , hominem , in cuius significatione dixerat animam .

LVII. « Si debitum fuerit in proximo tuo , debitum quodcumque³ : » repetitio verbi locutionem notandam facit .

LVIII. « Si autem noluerit homo accipere uxorem fratris sui , et ascendet mulier in porta ad senatum et dicet : » Non vult frater viri mei suscitare nomen fratris sui in Israël , noluit frater viri mei⁴ . » Quamvis verborum repetitiones amet Scriptura , inusitatior est tamen repetitio hæc : sed elegantius querelæ ostentat affectum .

LIX. « Maledictus omnis qui dormierit cum omni peccore⁵ : » pro eo quod est , concubuerit . Deinde « cum omni peccore , » pro eo quod est , cum quolibet peccore .

LX. « Et servies inimicis tuis , quos immittet Dominus Deus tuus super te⁶ . » Græcus habet λατρεύεις , ubi latinus interpretatus est « servies : » solet autem hoc verbum in ea servitute Scriptura ponere , quæ debetur Deo ; unde idololatræ appellantur , qui ea servitute idolis serviunt : ergo hic inusitate positum est hoc verbum . Quanquam possit etiam hunc sensum habere , quod tam graviter multa

¹ Math. vi, 25. — ² Deut. xxiv, 7. — ³ Ibid. 10. — ⁴ Id. xxv, 7. — ⁵ Id. xxvii, 21. — ⁶ Id. xxviii, 48.

dixerit , ut inimicis suis nimium superbientibus tanquam diis servisse cogantur .

LXI. « Gentem cuius non audies vocem ejus¹ : » et hoc notandum est , quod et « cuius » dixit , et « ejus , » sicut loqui Scripturæ solent : et id quod ait , « cuius non au-

» dies vocem , » pro eo quod est , « cuius linguam non intelliges . »

LXII. « Mollis in te et tenera valde fascinabit oculo suo fratrem suum , et uxorem quæ est in sinu ejus , et qui reliqui sunt filii quicumque relictæ fuerint illi , ita ut det uni ex eis a carnibus filiorum suorum de quibus- cumque edet , eo quod non derelictum sit ei quidquam in angustia et tribulatione , qua tribulabunt te inimici tui in omnibus civitatibus tuis² . » Notandum est quemadmodum hic dictum sit « fascinabit , » pro , invidebit , et tanquam ad hoc derelicto , ut necesse sit ei dare de carnibus filiorum , quas cogit necessitas in cibum sumi a parentibus . Nam et in Proverbiis quod latini codices habent : « Non cœnabis cum viro inido³ , » græcus habet , ἀνδρὶ βάσταζος , βαστάνος autem fascinus dicitur .

LXIII. « Et erit sicut lætatus est Dominus in vobis , benefacere vobis⁴ : » græcus habet , « benefacere vos , » nec videtur esse saltem græca locutio : accusativus tamen pro dativo positus intelligitur ; unde maluerunt latini interpres dicere « vobis , » quam , vos .

LXIV. « Vos vidistis omnia quæ fecit Dominus Deus vester in terra Ægypto , coram vobis , Pharaoni et servis ejus omnibus et omni terræ illius , tentationes magnas , quas viderunt oculi tui⁵ : » notandum illas plagas etiam temptationes » vocari .

LXV. « Si fuerit dispersio tua a summo coeli usque ad

¹ Deut. xxviii, 49. — ² Ibid. 54, 55. — ³ Prov. xxix, 6. — ⁴ Deut. xxviii, 63. — ⁵ Id. xxix, 2.

» summum coeli, inde congregabit te Dominus Deus
» tuus¹. » Mirum si non hoc dicit, « a summo coeli usque
» ad summum coeli, » quod solet etiam dicere, « A summo
terræ usque ad summum terræ » : fortasse propterea quia
secundum id quod et iste aér cœlum dicitur, conjungitur
terræ.

LXVI. « Non in cœlo est dicens : Quis ascendet in
» cœlum , et accipiet nobis illud, et audientes illud facie-
» mus ? Neque trans mare est dicens : Quis transfretabit
» nobis trans mare , et accipiet nobis illud , et audientes
» illud faciemus²? dicens » pro eo posuit quod est , ut
dicas : nova locutio.

LXVII. « Et Dominus qui comitatur tibi tecum³, »

LXVIII. « Et dixit Dominus ad Moysen : Ecce tu dormies
» cum patribus tuis⁴ : » hoc verbo ejus mortem signi-
ficavit.

LXIX. « Amaricantes eratis quæ ad Deum⁵ : » id est ,
amaricabatis ea quæ Dei sunt.

LXX. « Scio enim quia post obitum meum , iniquitate
» iniquitatem facietis⁶, » uno verbo autem græce dicitur,
» iniquitatem facietis , » quod est ἀνομήσετε.

LXXI. « Et occurrent vobis mala novissimum dierum⁷ : »
sic enim habet græcus, pro in novissimis diebus , aut in
novissimo dierum.

LXXII. « Nonne hic ipse pater tuus possedit te, et fecit
» te, et creavit te⁸? » ordo notandus est, prius enim videtur
dicere debuisse, « Creavit te et fecit te, » et deinde « pos-
» sedit te. » Quomodo enim intelligitur posse possideri
qui non est?

LXXIII. « Cum adipe renum tritici⁹. » Hæc metaphora
nimis inusitata est, ut renes tritici intelligentur velut in-

¹ Deut. xxx, 4. — ² Ibid. 12, 13. — ³ Id. xxxi, 8. — ⁴ Ibid. 16. —
⁵ Ibid. 27. — ⁶ Ibid. 29. — ⁷ Ibid. 6. — ⁸ Ibid. 14.

teriora tritici , unde farina ejicitur : hoc enim et adipem
dixit ; nam hoc nomine etiam farinam solent Græci dicere :
hoc enim habet græcus in Exodo , ubi scriptum est :
« Elevantes farinam super humeros suos¹ : » græcus quippe
interpres σιάτη posuit , quod sunt adipes.

LXXIV. « Filii in quibus non est fides tu eis² : » usitata
Scripturis locutio.

LXXV. « Quoniam judicabit Dominus populum suum,
» et in servis suis consolabitur³ : » pro , servos suos conso-
labitur : nisi forte ipsum consolari dicit translato verbo ,
velut ab indignatione et offensione , qua eum offendunt
mali. Sic autem ejus consolatio accipienda est , non ex
more hominum , sicut nec ira et zelus , et cætera talia.

LXXVI. « Ubi sunt dii eorum , in quibus fidebant in
» ipsis⁴ : » plenum esset et sine « in ipsis. »

LXXVII. « Et jurabo dexteram meam⁵ : » id est , per
dexteram meam.

LXXVIII. « Laetamini cœli simul cum eo , et adorent
» eum omnes Angeli Dei⁶ : » alii codices habent , « et
» adorent eum omnes filii Dei. » Filios autem Dei dictos ,
qui Angeli sunt in cœlis , non facile in Scripturis sanctis
invenitur.

¹ Exod. xii, 34. — ² Deut. xxxi, 20. — ³ Ibid. 36. — ⁴ Ibid. 37. —
⁵ Ibid. 40. — ⁶ Ibid. 42, juxta LXX.